



FRÉTTABRÉF BSSL

EFNI BRÉFSINS:

Forðagæsluskýrslur - síðustu skil 20. nóv.	1
Sauðfjárræktarfundir Búnaðars. Suðurlands	1
Tilboð í ráðgjöf til mjólkurframleiðenda	1
DNA-greining á ræktunarhrýssum	2
Frá Hrossaræktar- samtökum Suðurlands	2
Sæðisdropinn	3
Auglýsing	4

Forðagæsluskýrslur - síðustu skil 20. nóvember -

Búfjáreigendur eru minntir á að skilafrestur á forðagæsluskýrslum er 20. nóvember.

Skýrslum skal skila til búfjárefntilitsmanna á Suðurlandi sem eru:

* **Grétar Már Þorkelsson** fyrir A.-Skaftafellssýslu og Skaftárhrepp í V.-Skaftafellssýslu. Skýrslum skal skila á skrifstofu BSSL að Litlubru 2 á Höfn eða á Kirkjubæjarstofu á Kirkjubæjarklaustri.

* **Ólafur Þorsteinn Gunnarsson**, Giljum fyrir Mýrdalshrepp í V.- Skaftafellssýslu.

Skýrslum skal skila heim að Giljum.

* **Óðinn Örn Jóhannsson** fyrir Árnes- og Rangárvallasýslur. Skýrslum skal skila á skrifstofu BSSL, Austurvegi 1 á Selfossi.

Eftir 20. nóvember verða þeir búfjáreigendur sem ekki hafa skilað skýrslum heimsóttir á þeirra eigin kostnað.

Búfjárefntilitið á Suðurlandi

Sauðfjárræktarfundir Búnaðarsambands Suðurlands

Hinir árlegu Sauðfjárræktarfundir Búnaðarsambands Suðurlands verða haldnir dagana 23. og 24. nóvember n.k. Á fundunum verður farið yfir niðurstöður hrútasýninga haustsins og veittar viðurkenningar. Hrutakosti Sauðfjársæðingastöðvarinnar verður lýst, niðurstöður úr skýrsluhaldi sauðfjárræktarfélaganna verða kynntar og farið yfir stöðu Sauðfjársæðingastöðvarinnar.

Fundirnir verða haldnir á eftirtöldum stöðum:

- * Smyrlabjörgum, miðvikudaginn 23. nóvember kl. 13:30
- * Hótel Kirkjubæjarklaustri, miðvikudaginn 23. nóvember kl. 20:30
- * Pingborg, fimmtudaginn 24. nóvember kl. 13:30
- * Heimalandi, fimmtudaginn 24. nóvember kl. 20:30

Stefnt verður að því að hafa hrútaskrá sauðfjársæðingastöðvanna tilbúna og verður henni þá dreift á fundunum. Einnig skal minnt á að hrútaskrána verður að finna á heimasíðu Búnaðarsambandsins, www.bssl.is

Kaffi í boði Áburðarverksmiðjunnar hf.

Sauðfjárræktarráðunautar BSSL.

Tilboð á ráðgjöf til mjólkurframleiðenda

Undanfarið hefur sala mjólkurafurða verið mjög góð en horfur eru á að erfiðlega geti gengið að framleiða næga mjólk til að anna eftirspurn þegar líður á verðlagsárið. Ástæður þess eru m.a. erfitt tíðarfar, lakari gróffóðurgæði í vetur og minnkandi kúastofn. Með þetta í huga var ákveðið að efna til sérstaks átaks í ráðgjöf fyrir kúabændur um allt land.

Verkefnið er kallað ÁTAK - MJÓLK. Í undirbúningi átaksins veltu nautgriparræktarráðunautar búnaðarsambandanna og BÍ á milli sín hugmyndum um hvernig heppilegast væri að standa að framkvæmdinni. Í stuttu máli verður hún þannig, að nautgriparræktarráðgjafar búnaðarsambandanna munu á næstu vikum heimsækja mjólkurframleiðendur sem þess óska og bjóða þeim einstaklingsbundna ráðgjöf sem miðar að því að treysta og efla mjólkurframleiðslu hvers og eins.

Í heimsóknunum munu ráðunautarnir fara með bændum í gegnum mikilvægustu þætti fóðrunar og hirðingar kúnna.

Heimsókn á hvert kúabú mun taka um tvo tíma. Meðferðis munu ráðgjafarnir hafa samræmda gátlista til yfirferðar með bóndanum, til upplýsingasöfnunar og mats á sterkum og veikum hliðum í fóðrun og hirðingu. Í lok hverrar heimsóknar skráir ráðgjafinn niður á sérstakt eyðublað þær aðgerðir sem hann leggur til að bóndinn grípi til eða þær breytingar í fóðrun og hirðingu sem hann telur líklegastar til að skila árangri til skemmri tíma litið. Bóndinn heldur einu eintaki aðgerðaáætlunarinnar, búnaðarsambandið öðru og það þriðja fær BÍ.

Kúabændur á starfssvæði Búnaðarsambands Suðurlands eru hvattir til að nýta sér þetta tilboð um ráðgjöf. Nánari upplýsingar eru veittar á skrifstofu Búnaðarsambandsins í síma 480 1800 eða í tölvupósti til einhvers eftirfarandi: johannes@bssl.is, petur@bssl.is, rs@bssl.is eða ghh@lbhi.is

DNA -greining á ræktunarhrýssum

Alltaf er verið að leitast við að minnka líkur á að hross séu ranglega ættfærð. Víða erlendis er gerð sú krafa að búið sé að DNA ættneisgreina hross áður en þau eru skráð inn í gagnabanka viðkomandi lands. Fagráð hefur því ákveðið að hrinda

af stað verkefni sem miðar að því að DNA -ættgreina sem mestan hluta ræktunarhópsins. Verkefnið er styrkt af Stofnverndarsjóði Íslenska hestakynsins á þann hátt að öllum hryssum sem náð hafa 7,5 eða hærra aðaleinkunn í dómi fá greininguna frítt. Kostnaður við greiningu á hverju sýni er 1.600 kr. fyrir utan vsk.

Ræktendur verða hins vegar að greiða kostnað við sýnatöku og akstur. Eru ræktendur kvattir til að láta taka sýni úr öllum hryssum með 7,50 og yfir í aðaleinkunn en með því móti ætti að nást til þess hóps hryssna sem virkur er í ræktunarstarfinu. Einnig væri æskilegt að taka sýni úr öllum merförlöðum og efnilegum mertryppum.



Gjaldskrá:

- Tímagjald fyrir sýnatöku og frágang 3.000 kr/klst + vsk
- Akstur 62 kr/ km + vsk
- Greining á sýni 1.600 kr + vsk (greiðist af Stofnverndarsjóði ef aðaleinkunn er 7,50 eða hærra).
- Lágmarksgjald 3.500 kr + vsk

Sýnataka mun hefjast nú á næstu vikum og er stefnt að því að þeim verði lokið í febrúar. Styrkurinn frá Stofnverndarsjóði er bundinn við að sýnatöku sé lokið fyrir marsbyrjun. Skipulagið verður þannig að hver sveit verður tekin fyrir sig svo spara megir akstur og vinnu. Það er því mikilvægt að þeir sem hafa áhuga á að vera með panti sem fyrst eða í síðasta lagi 9. desember nk. Tekið er við pöntunum í síma 480 1800 eða á netföngunum halla@bssl.is og petur@bssl.is.

Halla Eygló Sveinsdóttir

Frá Hrossaræktarsamtökum Suðurlands

Haustfundur samtakanna fór fram 3. nóvember sl. og var fjölmennur. Þetta er fyrsti haustfundurinn eftir að horfið var frá deildaskipulagi og tekin upp bein félagsaðild. Framsögumenn á fundinum voru Hrafnkell Karlsson, Guðlaugur Antonsson, Kristinn Guðnason og Páll Stefánsson.

Á fundinum kom fram að rekstur Sæðingastöðvarinnar er erfiður enda var útkoman í ár afleit, einungis 32% fyljun. Aðsókn að stöðinni var mjög góð en alls voru 245 hryssur sæddar. Fundarmenn voru almennt á því að það þyrfti að halda rekstri Sæðingastöðvarinnar áfram, þar hefði verið unnið mjög gott starf. Stórauka þyrfti rannsóknir á frjósemi og aðstaða og þekking væri fyrir hendi á Sæðingastöðinni.

Nýtt átaksverkefni er í farvatninu en ríkisstjórnin hefur samþykkt að veita 25 milljónum króna til verkefnisins næstu 5 árin.



Undirbúningur fyrir næsta landsmót er í fullum gangi. Guðlaugur taldi að lágmörk inn á mótið yrðu að hækka eitt-hvað en þau verða væntanlega kynnt 16. desember nk. Komið hefur upp sú hugmynd hjá fagráði að taka upp flokk 6 vetra stóðhesta. Spattmyndatökum verður framhaldið en alls voru 130 hestar myndaðir í ár. Reglum varðandi spattmyndatöku verður breytt á næsta ári. Breytingin hljóðar svo.

„Í því skyni að draga úr tíðni spatts skal röntgenmynda alla stóðhesta sem náð hafa 5 vetra aldri og koma til dóms á kynbótasýningum. Röntgenmyndirnar skal taka af hestunum eftir að þeim aldri er náð og afhenda vottorð þar að lútandi á fyrstu kynbótasýningu eftir myndatökuna“.

Margt fleira kemur fram í fundargerð haustfundar sem birt er á slóðinni www.bssl.is. Endilega kynnið ykkur hana.

Halla Eygló Sveinsdóttir



SÆÐISDROPINN 3/05

Fyrri hluti árgangs nauta 1999 kom til afkvæmadóms nú í nóvember. Um er að ræða þann hóp nauta sem kominn var með nægilega margar dætur en endanlegur afkvæmadómur fer síðan fram í mars n.k. Meðal nautanna f. 1999 er ekki að finna neina toppa eins og sést hafa í undanföllum árgöngum en þó standa vonir til að nokkur góð naut muni koma til notkunar úr árgangnum. Eitt aðaleinkenni hópsins má segja að sé hve lítið af hyrindum afkvæmum kemur undan þeim. Ákveðið var að setja tvö þessara nauta strax í notkun auk þess sem Þrjór 98042 kemur til notkunar þar sem hann hefur bætt stöðu sína verulega. Hér á eftir fer nánari umsögn um þau. Rétt er að taka fram að við vinnslu kynbótamats var einkunn færð niður eins og jafnan er gert á fimm ára fresti og því lækkar afurðaeinkunn nautanna að jafnaði um rúm 5 stig. Þá voru einnig gerðar breytingar á heildreinkunn nautanna á þann veg að vægi afurða í heildareinkunn var lækkað í 44% og síðan vega mjaltir, frumutala, júgur, spenar, ending, frjósemi og skap 8% hvert. Þetta veldur því að heildareinkunn lækkar auk þess sem innbyrðis röðun nautanna breytist allnokkuð, naut með háar einkunnir fyrir spena, skap og frjósemi hækka.

Þrjór 98042 er frá Möðruvöllum í Hörgárdal, undan Stúfi 90035 og Svört 251 Pistilsdóttur 84013. Þrjórætur eru mjög mjólkurlagnar með efnahlutföll um meðallag. Þær eru skaðgóðar og vinsælar, með góða júgur- og spenagerð en mjaltir örflitið breytilegar. Heildareinkunn 106.

Pollur 99008 er frá Þverlæk í Holtum, undan Skildi 91022 og Grautargerð 346 Bassadóttur 86021. Pollur gefur mjög vinsælar og mjólkurlagnar kýr með góða júgur- og spenagerð. Efnahlutföll nærri meðallagi, mjaltir góðar en skap allbreytilegt. Heildareinkunn 107.

Spuni 99014 er frá Berustöðum í Ásahreppi, undan Stúfi 90035 og Spólu 152 Bassadóttur 86021. Dætur hans eru miklar mjólkurkír efnahlutföll í mjólk aðeins undir meðallagi. Júgurgerð þeirra er góð en spenar stundum full langir.. Aðeins ber á göllum í mjóltum og skapi. Heildareinkunn 103.

Nautaskrá 2005-06

Í nautaskrá 2005-06 verða ofantalin naut auk eftirtalinna eldri nauta: Þrjór 96007, Fróði 96028, Teinn 97001, Stallur 97025, Randver 97029, Þverteinn 97032, Hersir 97033, Rosi 97037, Meitill 989008, Barði 98016, Sóli 98017, Trólli 98023, Glanni 98026, Fontur 98027, Sveppur 98035, Umbi 98036, Hræsingur 98046 og Prasi 98052. Nautaskráin mun koma út innan tíðar.

Nautsfeður

Nautsfeður til notkunar næstu mánuði eru Hersir 97033, Rosi 97037, Glanni 98026, Fontur 98027, Umbi 98036 og Prasi 98052.

Nautkálfa á stöð

Í vetur verða teknir nautkálfa á stöð undan eftirtöldum nautum: Teinn 97001, Stígur 97010, Brimill 97016, Randver 97029, Kubbur 97030 og Sveppur 98035 auk ofantalinna nautsfeðra. Þá geta kálfa undan eldri nautsfeðrum komið til greina. **Látið endilega vita um nautkálfa undan kúm á nautsmæðraskrá og efnilegum kvígum með háa ætternisspá.**

Á nautsmæðraskrá eru eins og áður kýr með 115 eða herra í kynbótamat og 90 eða herra fyrir prótein. Til greina kemur að taka nautkálfa undan kúm með kynbótamat á bilinu 110-114. **Allar nautsmæður þurfa að vera kollóttar og gallalausar hvað varðar júgur, spena, mjaltir og skap. ATHUGIÐ** að á útsendri nautsmæðraskrá eru allar ættfærðar kýr með 110 og herra í kynbótamat þó svo þær standist ekki kröfur varðandi útlitsdóm.

Þá er þeim tilmælum beint til manna að láta **sæða efnilegar og vel ættaðar fyrsta og annars kálfs kvígur með nautsfeðrum** þó kynbótamat liggi ekki fyrir með það í huga að bjóða nautkálfa undan þeim.

Ætternismat ásetningkvígna hefur verið sent út undanfarin ár og má nota það til hliðsjónar.

Það kostar ekkert að sæða kvígurnar nema örflita vinnu - en ávinningurinn er ótvíræður!!!

Holdasæði

Eins og áður stendur til boða sæði úr Angus, Galloway og Limousine nautum. Þau naut sem til er sæði úr eru:

Angus: Angi 95400, Álfur 95401 og Arður 95402.

Galloway: Holdi 83649, Reynir 83654, Rúgur 84666, Borði 85682, Hnallur 86690, Búalfur 87604, Frakkur 87696, Hímir 88610, Nóri 88611, Sóli 88612, Naglfari 90627, Bor 90632, Hólmi 91637, Mótur 91638 og Hofmann 92500.

Limousine: Ljúfur 95450, Ljómi 95451 og Lindi 95452.

Ávallt eru einhver þessara nauta í kútum frjótækna en sé áhugi á sérstöku nauti þá talið við frjótækni tímanlega ef það þyrfti að panta frá Hvanneyri.

Ungnaut

Útsendingu er lokið úr nautum fæddum '03 og að ljúka úr fyrstu nautum úr árg. '04.

Dreifingu er lokið úr Bursta 04003, Grikk 04004 og Porra 04005.

Dreifing er langt komin, þ.e. yfir 800 sk. farnir frá Hvanneyri, úr: Eldi 04001, Þyn 04006, Farsæl 04007 og Salómon 04009.

Útsending er vel á veg komin úr Hlaupara 04010, Prumara 04015, Hjálmi 04016.

Byrjað er að senda út úr Ingjaldi 04011, Kúti 04018 og Búsæl 04025.

Nautskráin er á netinu og þar er hægt að finna upplýsingar um öll reynd og óreynd naut í notkun. Slóðin er www.bssl.is/nautaskra.

Guðmundur Jóhannesson

Nýr valkostur

KEMIRA
GrowHow[®]
partnership • knowledge • solutions



Nýr valkostur



Betraland

Betri valkostur

Einkorna áburður frá Kemira GrowHow

Reiknaðu dæmið til enda

Betraland

Betra land ehf. - Dugguvogi 2 - 104 Reykjavík
Sími 581 3500 - Fax 581 3501 - betraland@betraland.is - www.betraland.is